

جریدہ علمیہ

مشیت جلیلہ، اسلامیہ نمک، جریدہ، رسمیه سیدر

غرہ رمضان سنہ ۱۳۳۲

عدو : ۳

آبدہ بر نشر اول نور

برنجی سنہ

تکررینه میدان بر اقیه جی اسباب و وسائلک کافه سنی کیجه یی کوندوزه قاته رق احضار واکاله حصر اشغال ایلمک کافه اهل توحید اوزرینه متحتم ومتوجه بر وظیفه اولوب سبیلی سیدسز شو وجیهه قارشى آثار تهاون وتکاسل ارانه سی قطعاً تجویز اولنه مز. قالدیکه عصر مزده کی برى وبجری الات وادوات حربیه نک تکاملی وقنون عسکریه نک تنوعی ادوار سابقه یه اصلاً مقیس اوله میوب اسلحه وادوات حاضره نک حسن صورته استعمال ایدیه بیلیمسی واسع درجه ده ادمان وتوغل نتیجه سی اولان ملکه وممارسه حصوله موقوف وتربیه عسکریه کورمیان افرادک محارباتده بر فائده سی اوله مدینى مشهود اولمسیله « انفر و اخفافاً وثقالاً » نظم جلیلی مفاد عالیه سجه افراد اسلامیه نک بوندن بویه هر احتمال قارشى نفیر عامه مهی یکدل ویکوجود بر حال مکملیتده بولنلری لوازم دینه وایجابات سیاسیه دن کورلایکندن طلبه علوم شرعیه نک عسکرلکه عائد بر سنه کبی مدت جزئیة خدمتلى مهمما امکن تربیه وتعلیم عسکری کوره رک او جهته کی نقصانلری ا کمال وهیچ اوقومامش افراد عسکریه نک قوه مضویه لرینى تزیدد وتقویه ایتمک کبی ازمهرجهت نفی عام وشامل بروظیفه مقدسه یی ایفایه دعوتدن بشقه برشى اولمديغنک وختام مدتی متعاقب علوم شرعیه تحصیلی ا کمال ایچون اصلاً بر مانع تصور ایدیه میه جکنک لسان شرعه ضوف اهلایه تلقین وحسن تفهیمیه اعتلای شوکت و ازدیاد سطوت ومکنت اسلامیه مقصد مبجلنک بران اول حیز آرای حصول اولسنک تسیر وتسهیلى خصوصنک علمای دینه تبلیغ وایفای وظائف دینه وعلمیه یه ترغیب ایدملری ضمنده تعمیماً اجرای تبلیغات بیورنسی تذکر ایدلدى اولبايده .

تلیخات عمومی

« محاکم شرعیه معاملاتنده انتظام وسرعتی تأمین ایده جک تدابیره دائر »

محاکم شرعیه جه معاملاتنک کال انتظام وسرعتله جریان ایده رک برکونه تأخراته میدان ویرلامسی وجائبدن بولمنسه ومحاکم مذکوره نک درجات مساعیسی ایله معاملاتنک صورت جریانندن وقت وزمانیه معلومات کافیه التیق مقتضی کورلمسنه بناءً تموزدن اعتباراً محکمه یه برآی ظرفنده ورود ایدن اوراقلک مقداریه بولنلردن معامله لری ا کمال ایدیلنلرک نوع وعددی وانتاج ایدیه میلرک انواعیه تأخرى اسبابی اکلاشلق اوزره ملفوف جدوللرک ایرتسی آیک نهایت ایکنجی کونته قدر املا وزیرلری قاضی افتدیلر وباش کاتبلر طرفندن تصدیق وتختیم اولنه رق بشقه جه تحریرات یازلمق سزین مظروفاً پوسته یه تسلیم ایدلسی وسنه حالیه بدایتندن خزیران غایه سنه قدر اولان اوراق مقدار و معاملاتنک ده ایلمک

کوندربله جک جدولک شهر سابقه ستوننده کوسترلی بالتنسب تعیمماً قضاء کرامه تبلیغ ایدلمش اولمغله اوراجه ده برمنوال محرر ایفای مقتضاسنه همت اولنمی سیاقده شقه ترقیم قلندی .
۲۵ رجب سنه ۱۳۳۲ و ۷ حیران سنه ۱۳۳۰

*

**

« طشره مدرسی حقنده »

طشره ده موجود مدارس حقنده مربوط جدولده محرر معلوماتک استحصالنه لزوم عاجل کورلایکندن نواحی و قراده کی مدرسی ده محتوی اولمق اوزره مذکور جدولک تحقیقات موثوقه به مستند اوله رق نهایت اون بش کون ظرفنده املاسیله ارسالنه همت اولنمی کمال اهمتیه منتظر در .
۲۸ رجب ۱۳۳۲ و ۱۰ حیران ۱۳۳۰

جدول محتویاتی : مدارسک اسامیسی ، مدرسه نک بولندینی محاکک اسمی ، بایرات عالی مدرسینک اسامیسی ، مقام مشیختدن مأموریتلری اجرا اولنان مرکز مدرسینک اسامیسی ، واقفک اسمی ، وقفی واریسه وظیفه لری مقداری ، تدریس اولنوب اولنمادی ، موجود طلبه نک عددی ، ملاحظات .

*

**

« رتب علمیه اصحابی حقنده »

داخل دائره قضالری اولان محلرده کی رتب علمیه اصحابنک اسامیسیله محل اقامتله - ینک والیوم نه ایله مشغول اولدقلرینک موضعاً انبا وملحقات قضائنه دخی اول وجهله تبلیغ کیفیت همت اولنمی سیاقده .
۲۸ رجب ۱۳۳۲ و ۱۰ حیران ۱۳۳۰

*

**

« کوچ درنکی تشکیلاتنه دائر »

کوچ درنکی تشکیلاتنک طشره ده تشمیلی نظامنامه مخصوصی ایجابندن بولنش اولدیغندن بوبابده جهت عسکریه دن مراجعت وقوعنده تسهیلات لازمه ایفاسی ومدارس علمیه درسخانه لری موجودینی ناطق دفترلرک طلب وقوعنده تودیغ ایدلمسی تعیمماً قضات کرامه تبلیغ ایدلمش اولمغله طرف فاضلانلرندن دخی اکا کوره اقتضاسنک ایفا ونسخ ملفوفه نک ملحقات قضائنه اسراسنه همت اولنمی سیاقده شقه محی ترقیم قلندی .
۲۹ رجب ۱۳۳۲ و ۱۰ حیران ۱۳۳۰

*

**

« مواد اخیرۀ نظامیه نک نشرندن مقدم تبلیغ قلنش اولان اعلامات شرعیه نک تابع اوله جفی مدت اعتراض وتمیزه دائر »
محاکم شرعیه ده حضور حاکمک خارجنده کی اقرارک اثباتیه مصارف محاکمه واعلام

خرجی وحکم واقع علیه اعتراض وتمیز طریقینه صورت توسل حقنده کی مواد نظامیه نک نشرندن اول تبلیغی اجرا ایدلش اولان اعلامات شرعیه نک مدت تمیز و اعتراضی تعلیمات سنیه موجبجه اوچ ماهدن عبارت بولندیغنک بعض محالرده وقوع بولان تردک ازاله سی ضمنده تعمیماً قضاة کرامه اشعاری مجلس تدقیقات شرعیه دن افاده اولنه رق ابجابی اجرا ایدلش اولغله طرف فاضلانهلرندن دخی اکاکوره اقتضاسنک ایفا ونسخ ملفوفه نک ملحقات قضاتنه اسراسنه همت اولنسی سیاقده شقه محبی ترقیم قلندی .
۶ شعبان ۱۳۲۲ ۱۷ حیران ۱۳۳۰

*
**

« وائاق شرعیه نک صور تنظیمیه سنه دائر »

اعلامات وحجج شرعیه نک صورت تنظیمنده کی اهمیت درکار اولوب بوبابده نظردقته آلمسی ایجاب ایدن خصوصاته دائر جریده علمیه نک ایکنجی نسخه سنده « کتاب المحاضر والسجلات » نامی التنده مندرج وصایای مهمه نک کمال دقتله مطالعه اولنه رق وائاق شرعیه نک ترتیب ودرج ایدیلن نمونه یه توفیقاً تنظیمی ومذکور نمونده کوسترلیدیکی وجه ایلله هر فقره نک قوس ایلله تحدید وعنواننک تحریری موافق بولنش وکیفیت قضاة کرامه تعمیماً تبلیغ ایدلش اولغله طرف فاضلانهلرندن ده اکاکوره اقتضاسنک ایفاسنه ونسخ ملفوفه نک ملحقاته اسراسنه همت ایللری سیاقده شقه محبی ترقیم قلندی .
۱۹ شعبان ۱۳۲۲ ۳۰ حیران ۱۳۳۰

*
**

« توجیه جهات ایچون متشکل قومیسونلرک توجیه مضبطه لرینک خرجه تابع اولمادیقی حقنده »

توجیه جهات نظام نامه جدیدینک التنبی ماده سی منظوقجه مشروطه اولان جهاتنک توجیهنده اهلیت مطلقه نک تحقیق ایچون بلاه سابقه امتحان اجراسی ومعاملات متفرعه سنک اکالی دخی قومیسونه مودوع وظائفدن اولوب قومیسونک بوبابده تنظیم واعطا ایده جکی توجیه مضبطه لرندن خرج استیفاسنه محل بولنامش اولغله اولوجهله ایفای مقتضاسی ضمنده مظروفا ادرمید قاضیلکنه اعاده بیورلسی تذکر ایدلدی اولبابده

*
**

« اذنامه اعطاسی ایچون بلا سبب تنظیم اعلامه عل اولمادیقی حقنده »

مانع شرعی ونظامیسی اولدیغنه دائر محله ویا قریه لری هیئت اختیاریه سندن اصولی دائره سنده علم وخبر ابراز ایدلیدیکي واولبابده اقامه ایدلش یردعوی دخی بولندیغی حالده

اذننامه اعطاسی چون اعلام شرعی به احتیاج اولمیدیندن اولوجهله ایفای مقتضاسی ضمنتده خداوندگار مرکز قاضیلکنه اعاده بیورلسی تذکر ایدلدی اولبابده .

*

« اذننامه به دائر جزا قانوننده کی فقره معدله نك صورت تطبیق حقنده »

درون عریضه ده بحث و حکایه اولنان فقره معدله قانونیه نك اذن ولی منضم بولنان غیر بالغه لرك عقدلری حقنده اذننامه اعطا ایدله میه جکنه دلالت ایده بیله جك بر جهتی اولمیدیندن اوکی صغارك تزویجی ایچون اذن ولی انضمام ابتدیکی حالده سابقی وجهله اذننامه لرك اعطاسی و اذن و اجازتی استحصال اولنه جق ولی بولمیدینی تقدیرده امر نکاحده کی ولایتك درجات مخصوصه سی نظر دفته آله رق ولایت عامه نك قضاته تأمین ایدلدیکی صلاحیت شرعیه نك کبایلیق استعمالیه حقلرنده انفع واولی اوله جق جهاتك تحریسندن صکره بالولایه عقدلرینك اجرا و اذننامه لرینك اعطاسی ضمنتده مظروف و فاسیور یحصار قاضیلکنه اعاده بیورلسی تذکر ایدلدی اولبابده .

*

« غیاباً رؤیت دعوی اسانك درجه شموله دائر »

مآله نظراً طلاق رجعی و لفظ کنوی ایله ایقاع طلاقه دائر اقامه اولنان دعوالرده زوجك مراجعت ایدوب ایتمدیکنك و کنایه خصوصنده نیتك تمینه و حین ایقاعده کی احوالك بیلنمسنه لزوم بولمیدیندن بونلرك هر حالده مواجهه رؤیتی مقتضی اولوب مدعی علیه حضوری لابد اولیان دعاوی عدم اجابتی حالنده غیاباً رؤیت و فصل و حسم اولنه بیله جکندن اولوجهله معامله مقتضیه نك ایفاسی و ایتم و قاصرین و اوقاف علیه لرینه لاحق اوله جق حکملرك اعلاماتی اولیا و اوصیا و متولیره بالتبلیغ مدتی ظرفنده تمیز ایتلری خصوصنك تفهیمی ضمنتده مظروفاً سیور یحصار قاضیلکنه اعاده بیورلسی تذکر ایدلدی اولبابده .

*

**

« تحریر اولنمیان ترکده صاحب حقك و قاتی اوزرینه تحریر اولنان حصه سندن آله جق خرج تحریرك یا لکزر بوحصه یه انحصار ایده جکی حقنده »

متوفای اولك ترکه سی اساساً مرجب تحریر بولمیدینی و متوفای نانینك ورثه سی میانسنده ایتم بولنمندن طولانی ترکه نك تحریر ایدلدیکی مآل لرندن ا کلا سلمش اولغله شو حالده خرج تحریرك متوفای نانینك حصه سندن استیفاسی ایجاب ایده جکنك جواباً دوزجه قاضیلکنه ازابار بیورلسی تذکر ایدلدی اولبابده .